

21
DISSERTATIO INAUGVRALIS MEDICA

DE

SANITATE CONSERVANDA ABS ET CVM PHARMACO

QVAM

DEO T. O. M. DVCE ET AVSPICE

RECTORE VNIVERSITATIS MAGNIFICO

REVERENDISSIMO ET AMPLISSIMO DOMINO,

DN. PLACIDO,

REGALIS MONASTERII S. S. APOSTOLORVM PETRI ET PAVLI ORD. S.
BENEDICTI INTRA ERFORDIAM ABBATE, PRÆPOSITVRÆ ZELLENSIS
ET IN FRANCKERODA AD VVERRHAM DOMINO, S. FACVLT.

THEOLOG. ASSESSORE PRIMARIO, ETC.

AUTHORITATE ET DECRETO GRATIOSÆ FACVLTATIS
MEDICÆ IN PER-ANTIQA HIERANA

SVB PRÆSIDIO

DN. D. IVONIS JOANNIS STAHLII,

S. ELECT. MOG. CONSIL. ET ARCH. ANATOM. CHIRVRG. ET BOTAN.

PROFESS. PVBL. FACVLT. MED. ASSESS. ORD. N. N. CIVITAT.

ERFORD. CONSVL.

PATRONI PRÆCEPTORIS PROMOTORIS SVI COLENDISSIMI.

PRO LICENTIA

SVMMOS IN ARTE MEDICA HONORES AC PRIVILEGIA

DOCTORALIA RITE CAPESSENDI

PVBLCÆ ERVDITORVM CENSVRÆ EXHIBET

JOANNES HEINRICVS *Kramer/*

Fuldensis,

AVTOR ET RESPONDENS

IN AVDITORIO MAIORI COLLEGII MAJORIS, HORIS CONSVETIS.

DIE XXV. MAJI, A. R. S. M DCC XXIX.

ERFORDIÆ, Litteris GROSCHIANIS, Acad. Typogr.

SANITATE
CONSERVANDA
ABS ET CVM PHARMACO

REC. RE UNIVERSITATIS MAGNETICO

DN. P. L. A. C. I. D. O.

BY D. IVONIS JOHANNIS STANLEY

JOHANNES HEINRICVS STANLEY
DOCTORALII RITE CAPESSENDI
PRO LICENTIA

IN ACADEMIA MAIORI COLLEGII MAGNIFICI HONORIS CONSULTA
AVTOR AT LONDONS

THE NEW BATH, 3, 4, & 5, DEC. 1711.

PRINTED BY J. STANLEY, IN THE ROYAL EXCHANGE, AND BY J. STANLEY, IN THE ROYAL EXCHANGE, AND BY J. STANLEY, IN THE ROYAL EXCHANGE.



PROÆMIUM.

Duo exstant fata, quæ vitam hominis reddunt deteriore, quæquæ homo anxie evitare cupit; misera nempe ægrotudo & breuitas vitæ; duæ verò è contrario sunt felicitates, quæ humanam nobilitant vitam, quasquæ mortalis avidè concupiscit, sanitas scilicet & longævitas. De longævitate adipiscenda quædam adducere ex professo non intendo, sed unice tantum modum conservandi sanitatem propositurus sum, cum hæc non solum avidè quærat animò, & raro reperitur, sed etiam sæpè præ longævitate æstimetur: nam quid aliud est longævitas, si hæc variis circumdata sit ærumnis, nisi multis annorum decursibus torqueri, & miserè vivere diu? non tamen contemno longævitatem, nam & hæc est magnum Dei naturæque donum, imo fidelis sanitatis sociâ; si diu conservetur sanitas, & diuturna sequetur vita id est longævitas: nam nullus abs morbo & enervatione corporis moritur homo: morbus est persecutor vitæ, morbus libitinæ januam in corpus humanum aperit; morbus est, qui dif-

A 2

fringit

fringit, dissociatquè vinculum animæ cum corpore, hoc divulgato celerrimis accurrit passibus, nè dicam, adest mors: hinc si amas longævitatē, redama præsentem sanitatem conservando, & redime amissam restituendo: Si fueris sanus, nec mors morbusque sequetur præmaturè: ajo præmaturè, nam terminum vitæ finalem à Deo sapientissimè cuilibet designatum nullus hominum transgredietur. Et eheu, licèt omnes & singuli pretium sanitatis incomparabile agnoscant & affectent NATURALITER (nam aliud de supernaturali moriendi desiderio Apostoli sentiendum est, exclamantis: cupio dissolvi & esse cum Christo) sic tamen exiguis eorum est numerus, qui pleno pectore ita suum instituunt vitæ curriculum, ne inde offensa morboſa sanitatis rabida exoriri valeat; est bisce quidem nihil jucundius, nil optabilius sanitate, attamen pauci media, quibus obtinenda est, impendunt; quis enim innumerum belluonum numerum ignorat? qui diu noctuque diligunt luxum, & incidunt in luctum, amœnas quærunt gulæ delicias, & amaras corporis animique reportant tristitias; multum edere & bibere intendunt, & vix guttulam bolumquè prægustant amaenè, quoniam propero pede Longæva subsequitur infirmitas. Quapropter jam totius Græciæ Archiater & Medicinæ rationalis Pater HIPPOCRATES Sect. prim. Aph. XVII. dixit: ubicunque plus præter naturam alimenti ingeritur, id morbum faciet. Nec me deterret à meo proposito, quòd sanitatem conservare doceam, eorum repudiatio, qui plenis ebuccinant faucibus, quid Medicina valet, si sanitas firmis stat thalis? valet equidem & quidem multum Medicina, ab hac enim doceris, quomodò sanitas utpote margarita vitæ nobilissima auroquè pretiosior sit conservanda. Quid quæso præfers, vel sanitate incontaminata constanter perfrui, vel contaminatam læsamquè bolis medicinalibus guttulisquè amarif-

rissimis recuperare? nonne primum eligis? Et en! id tibi porrigo Et offero; ideo Et scribit alter Princeps Medicorum GALENVS Lib. pr. de tuenda sanitate, quoniam & tempore & dignitate sanitas morbum præcedit utique & nobis quemadmodum hæc servanda sit, prius tractare conveniet: post autem, quo pacto commodissime sit morbus abigendus: ideo Et primi Medicinæ Antistites in duas eandem divisere partes, primà est HYGIENE, quæ docet sanitatem præsentem conservare, altera THERAPEVSIS, monstrans modum amissam recuperandi; ita Et meus primus est scopus demonstrandi, quomodo præsens sit conservanda sanitas, Et id quidem faciam absque divitiarum desiderio, nempe absque pharmaco, sin vero L.B. non auscultaverit Et inobediverit, sic Et paratus sum medicamen parare in suum meumque lucrum: non tamen sibi quis persuadeat, me propositurum esse ea, quæ ab homine non exequenda sunt, uti monuit GALEN. citat. lib. agens: sane quæ corpus nostrum lædunt, corrumpuntque, ea sunt genere duplicia, altera nobis congenita, & quæ vitare nequeas &c. quis enim monstròse genito unam tantum pedem manumque gerenti defectum resarciat, quis omnes aëris nocivas purgabit injurias, quis casus fortuitos quoscunque tegulam è tecto decidentem improvise in suspensio immobilem tenebit? hinc Et pergit GALEN. dicens: non enim si quid collisu, vulnere, aut similibus affectu à statu naturali enatum sit, id statim aut nosse aut declinasse ullius esse artis munus. De his Et similibus non sermocinabor, sed in medium proferam, quæ in potestate Et manibus hominis ad firmam conservandam propriam machinam existunt, ut vero hoc conamen prosperè succedat, adesse velit author vitæ, Et largitior sanitatis supernaturalis vehementissimè exopro.

CAPVT I.

DE

CONSERVANDA SANITATE ABSQVE
PHARMACO.

§. I.

ANtequam ad thesaurum thesaurorum congregandum, auream scilicet sanitatem conservandam prolixius devolvam, uti canit poëta.

Si ventri bene, si lateri pedibusque tuis, nil

Divitiæ poterunt regales addere majus.

Simile asseruisse dicitur Aultrinum Albertum qui, dum interrogatus fuit, quanam ejusdem foret optima & jucundissima possessio, respondit: *Sanitas; cujus thesaurus tam pretiosus est, ut quidvis potius perpeti debeat homo, quam eam sibi eripi sinat.* Judico utilissimum fore, si prius sanum ejusque constitutionem illibatam & integram vivis quasi depingam coloribus & ita formositate plenum hominem oculis Benevoli lectoris proponam.

§. II.

Quapropter in medium provoco, & duco hominem mediæ ætatis (non tamen aliam degens ætatem excluditur, uti in sequentibus patebit) hic, ecce! firmis incedit passibus, erectum gerit caput, artus tenet agiles, robusto consistat trunco, facie superbit florida, Lynceis contemplatur oculis, apri audit auribus, volubili præditus est lingua, uti canit poëta de sensuum excellentia

Nos aper auditu Lynx visu Simia gustu.

Verbò, tota externa machina ita figurata & formata est, ut nihil vitium reperiatur, quodam magnitudinem, longitudinem, rectitudinem, numerum, posituram; omnia in suo ordine & loco sita atque constituta taliter existunt, qualiter natura exigit, & inde actiones cuilibet parti competentes exerceri actuarique possunt; ex his verò nondum sanus judicatur, ast & interiora perlustrare debemus.

§. III.

§. III.

Sanus & ille meritò audit, qui sagaci gaudet ingenio, perscrutatur difficilia in moralibus & naturalibus abscondita, mente revolvit præterita, objecta sibi repræsentat & concipit sicuti in re & veritate naturæ existunt; falsum à vero dignoscit, bonum à malo dijudicat, fronte men-reqùe est serenus, animo gaudet hilari, delectatur consortio humano & non incedit oculis torvis nec fugit sodalitia humana, multò minùs instar mente captorum moestus & morosus absque sufficienti causa vitam agit: præter hæc adducta sanitatis consecraria adhuc requiritur.

§. IV.

Ut sanus pro exigentia naturæ alimenta & potulenta ingerat, nec avidè, nec parcè. Ingesta non relinquuntur indigesta, sed in laudabilem chylum, liquorem fundamentalem sanguinis, & inde resultantis nutrimenti in nutritionem & augmentationem necessarij convertantur: reliquæ & quisquiliæ alimentorum assumptorum per intestinalem canalem expurgentur, & sordes seroso-excrementitiæ in sanguine latitantes per debita emunctoria evacuentur & ita sanitas perennabit, hinc dicitur: qui bene ingerit, digerit & egerit, sanus habendus est; mas sit potens, mulier fecunda, si ætas competens adsit; puerpera sit instructa uberibus dulce nectar lacteum infanti stillantibus: actiones vitales in utroque sexu legitimè peragantur, calor nec sit imminutus nec adauctus, respiratio libere sine impedimento procedat, pulsus moderato & æquali motu justam sanguinis circulationem designet; ex quibus fluit & patet quidem essentia & quidditas sanitatis: attamen ut accurratius omnia sanitatem concernentia & ab eadem propullulantes effectus clarescant, descendimus ad definitionem tradendam, quæ multifaria juxta diversâ diverforum Authorum placita est, nam.

§. V.

Placuit jam Galeno lib. citat. scribere, *sanitas symmetria*
qua-

quædam est, & subjungit: *sanitas omni sectæ Symmetria est, nobis calidi, frigidi, humidis, & siccis.* Hic itaque secundus Medicorum Princeps in humoribus & exinde resultante qualitate eorundem media sanitatem statuit: & quidem hanc Symmetriam radicaliter fundat in sanguine & semine, à quibus primordium generationis, vitæque humanæ verè desumit: huic assentit FERNEL. AMBIAN. Lib. I. Pathol. Cap. V. fol. 130. scribens: *itaque corporis partisve absoluta & exquisita Symmetria, quæ ad summum pervenerit, summa est sanitas.* WEDEL. in sua Physiologia reformata Cap. XV. de vitæ in columitate fol. 529. maluit ab affectione dicere: *Sanitas consistit in eoque;* hic Author sanitatem ab effectu definit, dum omnes actiones in corpore vivo placidè jucundè absque molestia decurrunt. Uti SYLV. Lib. I. de methodo Medendi Cap. 2. fol. 36. §. 2. ratiocinatur: *Sanitatis effectus integra est functio.* Alii definitionem sanitatis adducunt formalem, proferentes, quod sanitas sit potentia exercendi actiones secundum naturam temperamento, ætati, sexui competentes; cum verò ipsa potentia præsupponat aliquid aliud, quod potentiam non sterilem sed fecundam reddit, ut nempe in actum deduci possit; ideo me converto potius ad illam definitionem, quæ causalis vocatur, quatenus illa genuinam essentiam sanitatis explicat, itaque demonstrat, quonam modo illa tuenda atque conservanda sit.

§. VI.

Est ergo sanitas legitima & integra constitutio atque dispositio omnium partium corporis ad actiones naturaliter edendas, temperamento, sexui, ætati competentes. Mecum consentiunt quàm plurimi alii auctores, ita enim ait ETMÜLLERVS Tom. I. de Physiologia fol. 7. §. LIX. *Sanitas est vitæ integritas.* & parte II. Patholog. Cap. I. fol. 175. pergit dicere: *integritas ista seu sanitas consistit in legitima dispositione, seu naturali constitutione partium quarumvis machinæ corporis componentium, per quam agere & operari secundum leges, à naturâ præscriptas apte nata sunt, effectivè, verò in omnium operationum & inde dependentium vigore & perfectione.* Idem dicere

cere videtur NENTER. in Theoria hominis sani, scribens: quare rectius meo quidem iudicio sentiunt, qui sanitatem in ipsarum partium integritate, & actionum conveniente administratione consistere dicunt. Non alienæ mentis sententia est celebr. & acuti ingenii viri D. HOFFMANNI in fundament. Medicina Cap. 3. de sanitate vita &c. fol. II. scribens: fluidæ (nempe partes) si in decenti temperie, æquabilique motu constitutæ sint, & solidæ quamdiu in decenti configuratione, situ & tono consistunt, corpus ad actiones secundum naturam edendas aptum existit, & sanum est.

§. VII.

Diximus, quòd sanitas sit legitima atque naturalis dispositio atque constitutio totius corporis; nempe talis constitutio esse debet, qualis naturaliter desideratur, ut exinde effectus naturalis, debita actio resultare queat, victatâ enim quocunque modo actione, vel in excessu vel defectu aut depravatione, non sanitas, sed præternaturalis constitutio, adeoque morbus designatur; hæc vero naturalis constitutio radicatur & pro subiecto habet omnes partes corporis, tum fluidas, tum solidas. Fluidæ comprehenduntur fundamentaliter sub sanguine: sanguis constituit liquidum vitale, fundamentale, ex quo reliqui humores prosiliunt, quo naturaliter constituto materialiter vita & sanitas dependet: adeoque qui sanitatem tueri cupit, studeat & conetur sanguinem tueri in naturali quantitate qualitate & motu; quantitas nec excedat, nec deficiat; qualitas atque crasis partium sanguinem constituentium non sit naturæ onerosa; motus non sit ultra naturæ exigentiam excessivus, nec deficiens, si itaque hic fons vitalis naturalis prosapiæ fuerit, & reliqui quasi é mari scaturientes rivuli, humores videlicet utiles erunt talis indolis, qualis in sanitate exigitur; demum à tali sanguinis constitutione & proficua emergent actiones, hinc eveniet cuicunque ætati competens nutritio, & in pueritia ac juventute debita in longum, aut uti in aliis in latum augmentatio. Puberes mares prolifero scatebunt semine; foeminae pro-

provisæ erunt abundantæ succo nutritio pro alendo foetu, quem vel in utero gerunt, vel quem in lucem ediderunt, & nectare uberum alendus est. Liquidum nerveum, sive spiritus animales & instrumentum animæ pro sensu atque motu exequendo naturaliter procreabuntur. Motus sanguinis quoque universalis circulationis ad naturæ nutum procedet, nam hic revera (exceptis causis moralibus & paucis aliis, de quibus infra plura monebuntur) ut plurimum dependet à naturali & non molesta quantitate atque debita crassi, si cruor videlicet vitalis non sit præternaturaliter viscidus, terrestris, acidus, Fævus, biliosus placide pervadit vasa, viscera, eorundemque poros, unde sequitur non tantum formaliter naturalis nutritio & augmentatio, sed etiam debita sequestratio, & per se ac excretionem partium massam sanguineam deturpantium depurationem; ipsæ partes solidæ exinde nanciscuntur emolumentum, quoniam hæ debite nutritæ spirituumque influxu tensæ, debitum vigorem ac tonum obtinent, ut qualibet possit suam functionem, uti decet atque exposcit status naturalis, præstare. Liquet ergo jam primum sanitatis subiectum esse sanguinem, à quo, uti demonstravimus, non solum reliqui humores utiles scaturiunt, sed etiam tum actiones vitales, tum secretiones humorum inutilium decenter decurrunt atque contingunt; secundarium vero subiectum sunt partes solidæ, sive dictæ continentæ, hæ enim, si in utero decenter formatæ, naturaliter figuratæ in numero, posituræ, magnitudine, & debite compositæ atque unitæ sunt, non facile legitime constituto sanguine naturalem perdunt figuram, nisi (quod planè per accidens) ab extrinsecis injuriis labes adducatur per casus fortuitos, quos uti ex Galeno monitum, homo non semper evitare valet: quapropter etiam videtur GALENVS scripsisse Lib. I. de tuenda sanitate: primum ergo ad præsentium contemplationem pro hypothesis præsumtum esto, sanitatem non esse absolute elementorum &c. aut debitam convenientiam, quam symmetriam appellant: &c. sed etiam duntaxat, quæ similium est partium, & alibi demonstravi-

mus:

mus nempe sanguinis & seminis. Tandem subjungit: secundo loco, illud quoque, quod non minus alibi demonstravimus, presuntum pro hypothesis esto, nempe instrumentalium sanitatem in figurâ, numero magnitudine consistere. Pone itaque primò locò causam sanitatis, imò ipsam sanitatem, debitam naturallemque constitutionem quarendam esse in sanguine naturaliter constituto. Secundo demum ait, partes instrumentales solidas debere constitutas esse naturaliter in figura &c. idem affert ET MÜLLERVS Institut. Med. P. 2. Patholog. cum Diag. Progn. Cap. I. fol. 176. scribens: *unde dico, subjectum primarium esse partes contentas, sanguinem & spiritus, quatenus hæc ipsa propius vitæ radicem attingunt; Secundarium verò sunt partes Solide seu continentes, ut enim vita & sanitas in sanguine & spiritibus radicaliter & fundamenta-*

S. VIII.

Effectus sanitatis sunt actiones congruè procedentes secundum convenientiam ætatis, sexûs, temperamentis; ideo cum non competat infanti unius alteriusve mensis ambulatio, loquela, &c. tamen infans, si de reliquo se bene habeat, licet non garrulet, curratque, sanus est: senex, tametsi non ita vegetus sit ad exercitia corporis animique, uti juvenis, sanus est, ideo etiam dicitur, si senex haberet oculos ut juvenis, videret ut juvenis, ætas enim non aliud admittit atque desiderat. De sexûs diversis actionibus, generationis, complexionis, habitûs, per se patet, quòd illæ actiones, quæ solum viribus conveniunt, foeminis adnumerari nequeant, & vice versa, attamen ambo cæteris consentientibus sani sunt & dicuntur; à temperamento diverso diversæ actiones vel potius earundem qualitates tum corporis, tum animi oriuntur. Ita cholericis celeriores sunt in actionibus melancholicis & pituitosis. Sanguinei jucundiores & agiliores reliquis, & tamen omnes incolumes tam diu existunt, quam diu temperamentum non in intemperiem mutatur. Præterea differentiam actionum vitalium, animalium & naturalium ipsarumque se- & ex-

cretionum, quæ in differentibus temperamentorum sub-
jectis contingit.

§. IX.

Ex his fuit quæstio, an sanitas ipsa in se admittat dif-
ferentiam gradualem in diversis subjectis, ita ut incolumi-
tas vitæ v. g. *Petri* sit perfectior & excellentior *Pauli*, &
per consequens differens, ambo possunt dici sani, in am-
bobus enim est legitima constitutio tum partium solidarum
tum fluidarum, in quibus fluunt naturaliter actiones tempe-
ramento atati convenientes; ad quam respondeo quæstio-
nem, quòd sanitas quæ sanitas genericè sumpta non agno-
scat genericam differentiam, uti *GALENVS* Loquitur, al-
bedo nivis & candor lactis in se genericè ut alba subjecta
non differunt, ubique enim adest candor, cùm tamen can-
dor ratione majus & minus ab ipso candore differat, sic
& sanitas ratione gradus à sanitate differt. Nana, quoniam
etiam ipsæ constitutiones diversorum subjectorum excel-
lentiores & imperfectiores sunt utpote causa sanitatis, sic
etiam effectus vel erit excellentior vel imperfectior: san-
guinei enim optimo pro conservanda vita & sanitate tem-
peramento fruuntur, quia temperatissimum est; ergo
etiam exinde dependens sanitas optima erit, & differens
à sanitate phlegmatici, in quo tardior est motus, & quali-
tas mucosa sanguinis, signiorq; adest se- & excretio humo-
rum inutilium. Qui gaudere potest de optimâ & perfe-
ctissimâ constitutione omnium partium corporis, & inde
evenientibus actionibus perfectissimè, ille reverà perfectis-
simè sanus est, & prærogativam habet præ illo, qui qui-
dem sanus est, at ejusdem sanguis non est temperatissi-
mus, nec partes solidæ ita robore tonico constant, unde &
actiones non tam exquisitè, promptè & perfectè succe-
dunt; uti *GALENVS* quoque hoc assertum ex actionibus
confirmat, dicit enim: *siquidem enim nec qui sani sunt omnes*
oculis æquè cernunt, sed alii perspicacius, alii obscurius, nec auribus
pari modo audiunt, imo hic quoque magna est in excessu defectuque
diversitas &c. & tandem subjungit: *quare etiam sanitates mul-*

ta varieque non ipsa communi omnium forma, unde dicta sanitates sunt vel majoris minorisque ratione inter se dissidentes: FERNELIUS Lib. I. Patholog. Cap. 5. fol. 130. differit. omnis porro constitutio tum sana, tum neutra, tum egrota in tres dissipitur ordines &c. optima sanitas, bona sanitas, sanitas levis & parum firma, tres itaque hic Author admittit differentes sanitatis gradus.

§. X.

Ad differentiam sanitatis spectat ille status, qui à quibusdam neuter, ab aliis medius sive reconvalescentiæ & decidentiæ vocatur, dum nempe è tumultu quasi resurgens homo à morbo liberatus ad pristinam sanitatem redit, hic quidem non amplius ob morbum lecto affixus hæret, sed ob vires prostratas ac exhaustas nec functiones morales nec actiones vitales & animales promptè & exquisitè perficit, hic nec agrotat, nec perfectè sanus ex actionibus judicandus est, ideo dicitur status medius reconvalescentiæ, quam divisionem quidem atrociter oppugnant alii, cum tamen insignem in praxi adferat utilitatem, nam hic quasi neo-natus roborantibus medicamentis, alimentis ev-
 peptis succulentis refocillandus est, ideo & nos hunc statum, sanitatisque divisionem retinemus cum plerisque.

§. XI.

Alter status decidentiæ majorem involvit difficultatem, ubi homo quoque non agrotat, se tamen alienum sentit à constitutione illibata, uti Germani exprimunt: Ich bin weder gesund, weder krank, doch ist mir nicht wohl, ich weiß selber nicht, was mir fehlt: dicitur decidentiæ, dum mortalis patitur lapsum virium, & imperfectionem actionum vitalium & animalium edendarum sentit, non tam promptè & perfectè etiam moralibus præesse potest, uti in perfectioni statu præfuit, ingenium hebescit, corpus torpescit, artus languent, mens tristatur, & ad iram proclivior redditur; ex quibus patet simile subjectum à statu perfectissimo in imperfectiorem decidisse, ideo dicitur decidentiæ, & medius inter sanitatem & morbum in facto, status, qui nihil aliud est, quam dispositio & inclinatio ad

morbum, sive est morbus in fieri, nondum ita dicendo est morbus etotus, ecubatus: haud abssimili statu continuo torquentur hypochondriaci & hamorrhoidarii futuri ad hamorrhoidalem excretionem inclinantes, quæ tamen non succedit, hos mutatio æris gravior, phasēs lunæ permutant, & alienos à perfectiori statu sanitatis, non tamen ægrotos perfectè reddunt: hinc languore, torpore, imbecillitate afflicti velociter ad calendaria properant, & evolvunt in illis assignata prognostica futurarum æris mutationum, quapropter & dicuntur barometra viva, Germani dicunt: wir bekommen ander Wetter, Gewitter, Regen, ich siehls an mir. Videatur præter alios quàm plurimos celeberrimos Authores ETTMÜLLER. cit. L. fol. 175. dicens: *distinguendum est inter statum neutralitatis, decidentie & recon-
valescentie, ille est, cum homo, sanus percipit quosdam defe-
ctus in operationibus &c. & quis senem, decrepitem in-
capacem & imbecillem ad actiones extrinsecas peragen-
das exquisitè, credet ut juvenem robustum sanum intrin-
secè constitutum esse? ille quidem non ægrotat, attamen actiones ejusdem tardè & minùs perfectè procedunt; ergo in minorem gradum sanitatis vel potius decidentie locandus est, quapropter rectè dicitur senectus ipse est morbus: licet verò GOTHOFRED. MOEBIUS in fundam. Med. Physiolog. Cap. IV. de Sanitatis natura §. 26. eludat: Statum medium sanitatis, & dicat neuter status proinde maneat neuter & valeat, ex fundamento quòd ARISTOTELES hujus non meminerit, & SENERTVS suum calculum addiderit, dum scripsit, quòd si rem exactè æstimemus, nulla datur media dispositio à sanitate & morbo specie differens; demum, quia tantum duæ partes Medicinæ dantur, una sanum corpus conservat HYGIENE dicta, altera morbosum curat nuncupata THERAPIA; quæ de causâ etiam subjungit GALENVS duplices intemperies statuit, naturales sanitatis, & morbi præternaturales, & ita videtur non respexisse GALENVM ad statum medium, qui verò abundanter Lib. I. de tuenda sanitate non solum hunc statum*

statum confirmavit, sed etiam variis argumentis corroboravit; quod attinet ARISTOTELEM, respondeo, me nulli addictum authoritati, amicus mihi est PLATO, & amicus ARISTOTELES, magis tamen amica est veritas: verum est, uti meminit ETTMÜLLERVS in rigore theoreτικο & disputatorio, hic status, ut immunis evadat, solidam & sagacem requirere defensionem, interim tamen, cum emolumentum præservatorium præbeat, ne videlicet ægrotus ad morbum inclinans & dispositus in eundem labatur, vel à morbo liberatus in hunc vel illum recidat, & senex a celeriori obitu roborantibus, medicamentis, alimentis expectis præservandus sit, ideo & meritò status medius admittendus est: *turpius ejicitur, quàm non admittitur hostis.*

§. XII.

Pars Medicinæ Principalis HYGIENE sanitatem conservans, sex utitur collectivè instrumentis, quorum usus genericè *Dieta* audit, & vocantur res non naturales sequenti modo Aër, cibus & potus, motus & quies, somnus & vigilia, Animi pathemata, excreta & retenta, has oportet legitime impendere, si sanitas conservari debeat, ut verò patefcat modus impendendi, descendimus ad earundem pertractationem.

§. XIII.

Cum receptum sit in Scholis Medicis, quòd aër inter res non naturales primum Locum occupet, ideo etiam de eo primò disseremus, ejusdemque qualitatem enucleabimus, quæ vel in conservationem & eligenda vel destructionem humanæ sanitatis, & fugienda est tendit; quantæ verò utilitatis imò necessitatis sit pro continuanda vita conservandaque sanitate aër, quotidianus loquitur eventus, quæ tanta est, ut nec per aliquot pauca momenta eo in totum carere possimus: hoc enim flexili seducto elemento corrui solidissima hominis Machina: quapropter SENNERTVS non erubescit scribere, aëre ne momento carere possimus. L. II. de Febr. Cap. 9. vid. HIPPOCRATES de Flaubus, ubi scribit, *à cibo potuque ad 2. 3. & plures dies, ab*

aëre verò non tam diu abstinere possumus &c. vid. & GALENVS L. I. & *Morb. Causis*. Cap. 3. denique satis superque experimenta physica in antlia pneumatica exercita exhibent, quòd animal inclusum vitro, dictaque machinæ appositò statim pereat, si aër subtrahatur, & ad vitam redeat, si maturè ille admittatur, non verò solum vitam, sed & sanitatem conservat, uti monet GALENVS Lib. IX. *Method. Medendi*, *sine aëre nec tolli nec teneri potest sanitas*. Ut verò effectus sanitatis clariùs patefiant, solent non abs utilitate Medici primas qualitates aëris primo adferre & exinde deducere activitatem virtutesque incorporis humanum. Secundo examinant quæ illi immixta sunt, quibus nempe infertus sit effluviis, exhalationibus indagant: juxta hanc normam quoque nos procedemus; & intelligimus, dum id instituimus, aërem illum qui nos ambit, nostraque corpora tangit: nec necessarium censemus vel definitionem vel distinctionem ipsius annotare, hæ enim Physicis patent, & ubi physicus definit, ibi Medicus incipit, adeoque potiori sine utpote Medicus perscrutabor, quali modo aër nos arcet, atque constanter cingens vel emolumentum vel detrimentum nobis adferat.

§. XIV.

Antequam aërem secundum qualitates primas consideramus revocandum est in memoriam suprà à nobis monitum, quòd videlicet optima sanitas consistat in optima, præter solidarum partium constitutionem, humoris vitalis quocunque modo spectatâ temperie, jam itaque aër pro sanitate conservandâ contribuit, sin hanc temperiem naturalem coadjuvat & non pessundat, omnis verò temperies excludit omnem extremitatem sive excessum, alias enim evanescit temperies, & intemperies exoritur; ex his sequitur aër temperatus & proportionatus temperamento, consuetudini ætatis sanitatem conservat, intemperatus lædit: moderata durant, temperata conservant: primus propriè nostro inservit scopo, & pertractandus est.

§. XV.

§. XV.

Demum pro conservanda sanitate notanda est aëris, differentia petita à loco, tempore, mutatione, universali & particulari. Temperatio perflat corpora in Gallia, calidior & siccior in Italia, purior & serenior in montibus & sylvis, spissior in locis paludosis, fluviosis, maritimis; frigidior tempore hyemali ferit corpora, calidior exafluat æstivus & canicularis, mediò tangit modò pectora vernalis & autumnalis à qualitate non ab effectu recipientis desumptus: mutatur circa solstitia, alteratur circa æquinoctia, characterisant eundem eclipses solis & lunæ, aliorumque syderum motus atque influxus diversus: hæc universales mutationes, quæ ubique locorum omnique tempore contingunt, homo evitare nequit, sed patienter exindè dependentem noxam perferre cogitur. Ideò paucis potiùs eas tangemus, quæ evitari aliquàlter possunt, & ita imminentia sanitatis pericula avertemus.

§. XVI.

Injuriz aëris à loco dependentes & evitabiles sunt sequentes; primò sunt universales, & in extensa regione spectata, quæ cuilibet in illa viventi occurrunt, hinc si illius climatis aër impropotionatus sit constitutioni, non aliter quàm fugitivè evitandus est: alia nempe regio quærenda, in quâ aër spirat suo genio, sive temperamento salubris. Semper verò talis mutatio debet esse moderata & fieri per medium, omnis enim extremitas naturæ est nociva, & abhorret sinè medio saltum. Ideò ex locis frigidioribus transire in extremè calida periculosum est, uti & HIPPOCRATES dicit: *omnis mutatio (nempe vehementior & extrema) est periculosa.* Quod fusiùs in sequensibus pertractabimus. Utiliter verò fit alia electio aëris universalis, si cholericus migret in locum temperatum, in quo aër temperatior & frigidior est illo, quem in loco actù haurit; phlegmaticus & melancholicus suæ sanitati prospicit, si in locum aère subtiliori & calidiori præditum transeat: sanguineus suam conservat naturalem constitutionem, si aërem nimis tempera-

tum, & balsamicis, nutritiis quasi particulis abundanter infertum evitet, unde etiam quidam aërem nominant *cibum occultum*: de omnibus hisce notandum est, quod aër juxta primas qualitates agat, & suam vim ac indolem corpori imprimat, calidus aër reddit cholicos, auget nempe transpirationem tam in- quàm sensibilem, humidumque exhaurit, nec non sanguinis motum accelerat, & eundem exastuat; inde facile locò temperamenti cholerici inducitur intemperies seu cacochymia biliosa, hæc præstò morbos parit, hinc cholericis querendus aër temperatus, & non ad calorem excessivum inclinans. Frigidus & humidus aër phlegmaticos & melancholicos parturit, quatenus secretiones humorum serosorum & aliorum pro constitutione temperamenti per poros cutis impedit, sanguinis motum retardat, & inde humores serosi accumulantur & spissescunt in phlegmaticis, in melancholicis verò acidi retinentur & augentur; & ideò ex temperamento fit intemperies, ex hac morbus propullulat, adeòque affectent hi aërem calidiorem & subtiliorem. Sanguinei temperamentum quidem est temperatissimum, non rarò tamen in intemperatum decedit, si sanguinis quantitas tolerabilis in insupportabilem pervertatur, quod sub certis climatibus V. G. Gallia contingit, ideo & tantoperè venæ sectioni largiori favent Gallorum Medici ad imminuendam sanguinis abundantiam sive Plethoram; ne itaque hi incidant in morbos à Plethora oriundos, in aëre subtiliori versentur, ut largior excretio insensibilis constanter & largiùs perduret, & ferum proportionaliter imminuatur. Ita loquitur GALENVS L. I. de tuenda sanitate: *aër calidus frigidis temperaturis, frigidus calidis, humidus siccis magis convexit.* Dum verò hoc adnotamus, minimè id de omnibus sub uno climate viventibus intelligimus, nam & in aëre intemperato temperata reporiuntur temperamenta, sed solum de illis, qui locò temperamenti ab aëre intemperiem reportant, & ad morbos inclinare videntur, sæpiùs agrotant & exprimunt: Die Luft schlägt mir nicht wohl hier oder an jenem Ort; zu: his aëris mutatio

tatio conducit, imo necessaria est; quod assertum experientia corroboro quotidie eveniente; nam Erfordienfes vel alii phlegmatici & melancholici, quorum multos nosco, Moguntiam vel in alium distantem locum calidiorem proficiscentes ibidem saniores & agiliores paucis temporis spatio redduntur: alii Moguntini continuis morbis oppressi & valetudinarii hic Erfordia refocillantur & sanitati restituntur, quem effectum non aëri, nisi fallor, sed potulentis vino rhenano & acidulis quidam adscribunt, ast ille cholericus & sicca constitutionis, qui Moguntia erat valetudinarius, idem vinum cum iisdem acidulis jam Erfordia bibit & tamen sanus est: imo qui Erfordia valetudinarii existunt, & Moguntia refocillantur, bibunt idem vinum hic, quod ibi, potarunt, adeoque non sola mutatio ex potu, sed potissimum ex aere accessenda est, noster enim frigidior est aere moguntino, ideo Moguntinis cholericis ad biliosam in temperiem inclinantibus præ illo conducit, moguntinus verò calidior, subtilior, ergo & phlegmaticis & melancholicis tam Erfordiensibus quam aliis similis regionis ex allatis rationibus erit salubrior & convenientior. Huc illud edictum HIPPOCRATIS Lib. de natur. human. applicari potest: aërem; morbi alicujus grassantis causam tum statuere oportet, cum homines diversâ victus ratione utentes eodem morbo corripiuntur.

§. XVII.

Aer à particulari loco desumptus, est ille, qui in urbis, arcis, oppidi, fortaliti, pagi, domus situatione diversa, diversis impletus est miasmatibus: aer commune vaporum & exhalationum receptaculum est, si exhalationes salubres sunt & balsamica, talis & aer redditur; hæ exhalationes proveniunt tum ex terra & aqua, herbis, fruticibus, arboribus, tum ab ipsis hominibus eorundemque excrementis. Illa itaque urbs cum dictis locis præbet optimum habitaculum salubre, quæ sita est in loco erectiori, & circumdata sylvis, hortis, pratis, non cincta est paludibus foetidis, putridis, terræ fodinis metallicis evomentibus quasi perpetuò vapores nocivos: & afflatu aeris liberioris gaudet, & numerosâ hominum copiâ non infarcta est, à quo

rum excrementis putrescentibus aer putridus efficitur. Ad exhalationes spectant effluvia carbonum ligneorum & fossilium ignitorum, calcis viva, ipsiusque croci, arboris juglantis, musti, cerevisiaque fermentantis &c. nam ingens farrago illorum adduci posset, qui à dictorum effluviis & mediante aere communicatis, vel morbis oppressi vel plane extincti sunt, taceo effluvia contagiosa & morbosa aeris adferre: vid. KIRCHER. *Tractat. de Peste.* OLEARIVS in *Itinerar. Persic.* WEDEL. in *Pathol. Medic. Dogmat.* Sect. 2. Cap. IX. de causis morborum remotioribus fol. 293. & sequu. ad aerem loci particularis spectat ille, qui in qualibet domo ejusque cubiculis est obviu, nam ab ibidem contentis impuris quoque varias attrahit impuritates; hinc dicit WEDEL. citat. loc. quòd domus lapidea & saxea insalubriores sint lignosis, cum illæ sint frigidiore & humidiores; unde & talis aer oritur, qui poros cutis restringit & secretionem impedit, manifesto exemplo dum tempore hyemali continuò sudant parietes: aer in cubiculis diu clausis putridus redditur, ideò illa aperienda sunt & suffimigiis balsamicis aer in iisdem contentus corrigendus est: ratione situationis & domus cum cubiculis aeris diversitatem producit: hæc salubrior est domus, quæ versus meridiem vel orientem locata est, quàm illa, quæ occasum respicit & quasi perpetuò umbrosa existit; cubacula altiora puriori scatent aere, ergo & salubriora sunt. videatur GALEN. L. I. de tuenda sanit. AGINET. L. I. C. 49. FUCHS. in instit. Med. PARÆVS in introduct. ad Chirurg. Cap. 13. dum ait: *Saluberrimus est aer, qui tota sua substantia & essentia purus, nitidus, tenuis, patens & liber, nullis inquinamentis nec putredine infectus, nullo vapore malo, aut fuligine, crassitie aut corruptela persusus fuerit, quique lenibus & suaviter spirantibus ventis diffusus, modicè agitetur, & serenitate multa redundans spiritus nostros recreet.*

§. XVIII.

Mutationes aeris universales ratione loci & temporis jamdum tetigimus, jam restat adhuc quasdam alias adducere quæ subito contingunt, uti dicit HIPPOCRATES: *mutationes tem-*

porum maximè parviunt morbos Sect. III. Aphoris I. dum videlicet excessivè calidus aer extremè frigidum vel ficcus extremè humidum sequitur, & vice versa: tales mutationes loquente quotidiana experientia sanitati hominis nocivæ sunt, quas intotum verò evitare non possumus, sed solummodo aliqua- lisevitatio in nostrâ potestate est, dum nos aeri frigidiori, hu- midiori, austrino ventoso-frigido saltem longo tempore non exponimus, & si tamen necessitas urgeat, oportet, ut corpus perspirabile vestimentis probè defendatur & transpiratio conservetur: æstuante syrio loca umbrosa colliquationem ferri nimiam impediunt & sanitatem conservant. Si corpus radiis solis urentibus expositum sit, caput tegatur: calor igne causatus vehementior vitetur: aer frigidior & humidior ex- ternus temperetur calefactione cubiculi, sic sanitas peren- nabit. Mutatio aeris è cubiculo calidissimo in frigidissimum locum à voluntate hominis dependens omnium maximè nocet, & sanitati contraria est, idè angue pejus fugienda est. Ultimò consuetudini quid tribuendum est, hæc enim altera natura dicitur, cernimus enim homines in regione intempe- ratissimâ incolumes esse, & sæpè Medicos pro recuperanda sanitate amissa aerem patrium locò remedii præscribere, quæ ex alia regione aeris patrii electio maximè illis profi- cua imò necessaria est, qui è loco calidiori in impropor- tionatè frigidiorē migrârunt, hisce inculcandum est natu- ram saltum non sufferre; ratione temporis diurni, ut plu- rimùm ob nimiam humiditatem transpirationem in- & sensibilem impediētem summè matutinus & nocturnus evitatur, & è contrario reliqua diei tempora pro consi- tutione aeris & solis temperati eliguntur.

§. XIX.

Ex præcedentibus inclaruit, quòd sanguis debitè con- stitutus meritiò sit fundamentum sanitatis secundum §. VII. adductas rationes, idè etiam meritiò eò respiciendum est, ut ille conservetur incontaminatus quoad quantitatem, qualitatem atque motum: id verò omnium primò optime perficitur, si ad ejusdem materialem scaturiginem descen- damus, & ibidem sordes eundem turbidum & fœculen-

tum efficientes amoveamus & impediamus: est verò illa scaturigo prima chylus, ideò & dicitur *qualis chylus, talis sanguis, qualis sanguis, talis sanitas*. Adeoque si chylus sit naturaliter constitutus, & ipse sanguis talis erit, & è contrario: ille verò materialiter promanat ab alimentis & potulentis, hinc sanitatem conservare volenti incumbit scire, in quali quantitate & qualitate, utendi modo, illa pro refectione & elaboratione chyli assumenda sint, non ignoramus tamen & ventriculi actionem pro conficiendo chylo concurrere, videlicet praternaturaliter illo constituto, etiam illegitimus & crudus oritur chylus, cum verò ille status non ad nostrum jam forum, sed ad Therapiam spectet (idem etiam valet de aliis visceribus quibuscunque & quomocunque praternaturaliter affectis quæ tum elaborationem chyli naturalem turbant tum sanguinis crasin debitam in dyscrasiam vel cacochymiam deiciunt) ideò dehinc pro nunc non agemus, aut unice demonstrare intendimus modum præsentem sanitatem conservandi in corpore actu sano: hinc oritur vera sequela, si ventriculus cum reliquis visceribus legitime sit constitutus, & bonorum alimentorum debitus usus serveretur, laudabilis profectur chylus, & qualis hic talis sanguis, talis sanitas.

§. XX.

Ut à cibo & potu fractæ vires refocillentur & nova materia sanguini laudabili suppeditetur, semper primò attendenda est quantitas alimentorum, ne vel excedat vel deficiat, omnis excessus nocet; *omne nimium natura inimicum est*. Sanitatis studium est non satiari cibis & impigrum esse ad labores: ait HYPOCRATES. & FUCHSIUS in institut. L. 2. Cap. 3. Lex hæc perpetua sanorum esto, ne immodicè cibos ingerant &c. deficientem quantitatem cibi quoque ipse prohibet HYPOCRATES Sect. I. Aphoris. IV. *Quæ de ratione & sanis periculosa sunt valde tenuiter constituta: & accurata victus rationes, quoniam peccata molestius ferunt &c.* & WEDEL. in Pathol. Medo Dog. citat. Sect. fol. 305. dicit. *Nil absurdius est, quam inedia intempestiva defraudare corpus suum genio &c.* quantitas ergo

fit in medio constituta, & accuratè proportionata subiecto, quod multiplex est ratione ætatis, sexûs, vitæ generis, consuetudinis. Tenelli enim infantuli non solum aliam exposcunt cibi quantitatem & qualitatem, quàm adultiores, sed etiam aliarum rerum non naturalium pro eorum conservanda sanitate & fundamento futuræ vitæ incolumis ponendo diversum desiderant usum. Ideò recenter nati balneo aquæ dulcis vel etiam herbis cephalicis & V. immixtis calide à sordibus externis purgandi & mundandi sunt, quod balneum etiam frequentius per unum alterumve mensem frictione cutis cum linreamine vel alio asperiori panni frustulo matutino tempore continuari debet. imo GALENVS balnea ad tertium quartum annum & ultra recommendat. Maconium ex intestinis syrup. ros. solut. vel de cichor. cum Rhab. vel ipsa rad. Rhabarb. ad gr. i. vel 2. exhibita eliminandum est. Fasciis calidis laxè involvendi sunt, & in lectulis, calore temperato sunt fovendi, & lacte matris vel nutricis sanæ unicè in principio ad aliquot dies sunt nutriendi, qui usus etiam ad integrum annum immixtis aliis continuari potest, attingentes quintum vel sextum vitæ diem pulte parata ex mica panis similaginei sicci, vitello ovorum & lacte vaccino vescantur, dum adultiores fiunt, & brodio Gallinarum, caponum vel pane butyro illito aut alia carne salubri masticatis, humidioribusque mediante saliva redditis refici possunt; salivà enim humefacti cibi facilius in ventriculo digeruntur, & in chylum transmutantur, cum jam semi resoluti sint: accrescentibus annis & solidiori corpusculo reddito etiam in largiori quantitate solidiora præbenda sunt alimenta. Quantitas vero non sit continua, ut quasi toto die edant, ventriculus enim pro coctione & digestionem indiget mora, Germani exprimunt tales voraces lupulos quasi: er ist den Tag nur einmahl: sed discretæ, quæ partitis vicibus perficitur. Jam oritur questio, quoties de die infantibus pueris & adolescentibus porrigendus sit cibus? secundum communem opinionem respondemus, infantibus adhuc sugentibus sufficit,

ficat, si bis circa meridiem & noctem aliquid pulvis præbeatur, cum à lacte sanæ nutricis sufficienter nutriantur, reliquis ter vel quater cibus porrigatur manè scilicet, circa & post meridiem & cœnæ tempore; in his enim duplex quasi nutrimentum necessarium est, pro nutritione nempe & auctione corporis. In ætate consistente verò sufficit prandium & cœna, exceptis illis, qui vitam in laboribus & exercitiis corporis durioribus agunt. Senes juxta Hippocratem Sect. I. Aphorif. I. XIII. *minori quantitate pabuli contenti esse debent ob deficientem calorem.* & MOEB. in institut. Med. dicit Cap. 5. de Diætâ senum fol. 449. *senes non comedant nisi esuriant, jejunium enim ferunt facile, ex HIPPOCRATE.* His verò & in aliâ ætate constitutis semper aliquid juxta consuetudinem concedendum est, sin assueti sint lautiori vel frequentiori se delectare prandio prandeant, & illis etiam conducet secundum assertum HIPPOCRATICVM Sect. 2. Aphor. L. *que multo tempore consueta sunt, quamvis pejora non consueverint, minùs molestare solent, oportet igitur & ad insueta permolari.* Liqueat ergò, quod moderata & sufficiens quantitas discreta cibi materiam chyli laudabilem præbeat, ex quâ demum nutritius sanguis exoritur: demum exposcent nonnulli certum determinatumque quantitatis alimentorum pondus pro restituendo nutrimento, quod per labores corporisquæ actiones subtrahitur, quibus verò pro illo pondere accommodatam lancem porrigere non possumus, quis enim tot mille hominum constitutiones, consuetudines, & vitæ genera exactè tali succincto opere disputatorio comprehendet? Ipse Princeps Medicorum hanc difficultatem jam agnovit, & dixit de Prisc. Med. *ciborum quantitatem neque pondere, neque numero metiri licet, sed certitudinem exactam aliam non reperies, quàm corporis sensum.* Quilibet quantitatem convenientem ciborum suæ constitutioni pro servanda sanitate à semet ipso desumat, non plus comedendum, quàm natura perferre & ventriculus digerere valet. Nunquam usque ad gulam infarciendus est ventriculus; Germani dicunt: *das man es mit dem Finger im Halse ergreifen könnte;* sed

sed ita cibandum, ut adhuc portio cibi locum inveniat in stomacho, uti dixit HIPPOCRATES: *Sanitatis studium cibi non satiari.* Nunquam ad plenissimam satietatem cibi ingurgitandi sunt, ventriculi enim tonus ob nimiam expansionem læditur, & sanitas ob evenientes cruditates, chylumque impuriorem offenditur.

§. XXI.

Quantitas ciborum proportionata & innocens conjuncta qualitate nocivâ morbum causat, quapropter non immeritò ejusdem mentio & electio facienda est; ante omnia verò qualitates alimentorum genericè tangendæ sunt, quæ desumuntur à duplici regno animali & vegetabili, quæ Medicis ex diversis rationibus dubia movêre, an cibis ex animali vel vegetabili regno petitus homini sit salubrior, cum verò litem hanc consuetudo & mos solvat, & limites pagellarum disputationis ex more transcendere non liceat, ideo brevibus concludo juxta NENTERVM & alios convenientissimum fore, si alimenta ex duplici regno electa interpolatim & mixtim edantur, ne ex continuo unius ejusdemquæ esu nausæa afficiamur: varietas delectat, & gula delectatur varietate alimentorum. Sepositis hiscè genericis ad particularia nos convertimus, & percurrimus modum præparandi cibos. Ex regno animali enim vel assantur vel coquuntur; assati sicciores & minùs nutritii sunt, cocti & succosiores & opulentiùs nutrimentum cum brodio maximè, in quo gelatina latitat, præbent: illi phlegmaticis & serosioribus, hi cholericis & siccioribus suadendi sunt; ambo tamen absque noxâ recommendari possunt. Præparantur & carnes macerando in aceto vel sale Germ. *eingesalzen Fleisch*, vel addito nitro aromatibus fol. laur. bacc. Junip. caryoph. &c. *Päckel-Fleisch* vocatur Germ. salitæ carnes aeri vel fumo exponuntur & exsiccantur. Confecturas has pro quotidianâ escâ non approbamus, cum partim ob aciditatem & salitatem, siccitatem chylus vel reddatur nimis acidus vel nimis salsus, vel spissus & destituatur ob siccitatem particulis lymphatico-gelatinosis: conficiuntur

& conduntur carnes variis brodiis & praparaturis ex Gallorum culina desumptis quæ conditura admitti possunt, si non contraria sibi admisceantur v.g. acida dulcibus &c. idem esto dictum de piscibus fumo exsiccatis, hi aliunde pauciori pollent gelatina substantiali, ideò minùs nutriunt, exsiccati qualicunque modo difficiliùs digeruntur, & adhuc magis succo alimentoso privantur, etiam facilè ventriculi tonum relaxant & calorem imminuunt; quapropter ex culina proscribendi potiùs, quam præscribendi sunt quotidie, si tamen similes cibi gulæ arrideant, sit eorundem, nisi in asfueris, moderatus, non quotidianus usus. Electio quoque fit carnum ex animalibus tum domesticis tum sylvestribus: ex domesticis caro bubula solidum nutrimentum largitur, difficilis verò concoctionis est, ideò reconvalescentibus & debilioris ventriculi hominibus non, sed ejusdem juseulum porrigi solet; huic succedit vitulina succosior & facilioris digestionis, cui propè accedit Gallorum caponum & pullorum caro; suilla quidem abundat copioso humido nutritio, quod verò viscedine excrementitiâ refertum est, ideò nutrit & lædit, efficitque humores viscidos & secretiones impedit, quapropter salubrior est hominibus, qui fortius corpus exercent, quorum sanguis ob fortiorem motum continuò conquassatur, & in tenuitate conservatur. Agnina & hædulina pari passu ambulant, postponuntur vitulinæ & pullorum carni, anteponuntur suillæ; Gallinæ, gallique Indici bonum laudabilemque exhibent succum nutritium. Sequuntur columbæ, anseres & anates, horum carnes ob siccitatem difficilioris sunt concoctionis, pauciusque largiuntur nutrimentum. Ex sylvestribus capreoli caro ferè est optima, sequitur cervina quæ sicciior, aprorum caro cum domesticis multum convenit; ex avium genere alaуда, phasianus, perdix laudem merentur, omnium verò animalium virtutem nutritiam exactè de- & conscribere ingentem exposcit paginarum farraginem, ideo hisce acquiescere consultum duco, & ultimo moneo, quòd ex domesticis non castrata animalia minori scateant succo nutritio,

tio, quia lympha gelatinosa atque nutrienda in liquorem seminalem multum impenditur, juniorum carnes præ seniorum nutriunt. Ex regno vegetabili omnibus præferendus est panis ex tritico & secali paratus: vid. *Dissert. Ex. D. Præsid. de Pane &c.* ex leguminibus hordeum, avena, oryza, milium excorticata in jusculis commendanda sunt: lentes verò pisa, fabæ è culinâ maximè literatorum eliminanda sunt, spissior exinde & obstruens chylus promanat: aliud in assuetis & laboriosis, vel si in minori quantitate ab aliis assumantur, sentiendum est; modicum non curat Prætor: lactuca, endivia, cum carne vitulina vel alia cocta cholericis ob aquositatem conducit, phlegmaticis nocet: Brassica, Spinachia, rapa &c. ob copiosum humidum debilitant ventriculum & inferunt colicam, diarrhæam, si modicè tamen usurpentur, conducunt; semper attendenda est quantitas, abusus non tollit usum. Lac nutrit moderatè assumptum: caseum det noverca manus pro supplemento mensæ.

§. XXII.

Tertiò modus utendi & assumendi attendendus est, ne scilicet caninâ gulâ alimenta sinè sufficienti masticatione & comminutione deglutiantur, masticatio enim est principium chylicationis. Sub alimentis continetur & potus, hic siti appetitur, ut humidum deficiens refarciatur; ut verò id commodè fiat, certa quantitas servetur liquidi, ne corpus inundetur & sanitas submergatur; illa commodè juxta ætates determinatur, infantes & pueri utpote humidiores, quorum ventriculus laxior, non indigent largiori humido; pueri & adolescentes potum hauriant copiosius, calor enim successivè augetur, & humidum ob exercitia corporis animique vehementiora plus evaporatur: Juvenes & viri calidiores sunt vehementioraque corporis atque animi ineunt exercitia, humidum in liquorem seminalem impenditur, ideo & sicciores existunt, & humidum magis deficit. Senum calor ordinariè decrescit, & humidum increscit, ideo non tanta ejusdem restitutio est necessaria. Ratione sexûs viri calidiores & sicciores, foemina æ naturâ humidiores, ideo in illis plus, quam in his deficit & absumitur,

tur, unde & illi plus quam hæ potum amant. Ratione temperamenti eadem est ratio; cholericiis atque ficcioribus melancholicis largior indulgendus est potus quam phlegmaticis: sanguinei medium teneant, ita erunt beati & temperatum sanguinem pro mercede reportabunt. Diversitas temporum anni potûs quantitatis pondus est, æstate plus quam hyeme potus desideratur; vitandus verò probè est excessus, ne unà cum intentione refectionis natura obruatur, quod helluonibus sanè & Bibonibus accidit, qui plus excessu potûs quam amœnitate sanitatis delectantur. Sanitas est pramium sobrietatis, infirmitas flagellum ebrietatis, ideo rectè dicit HELMONTIVS *Sobrietas totius dietæ cardo est*: consuetudini quoque uti de cibo adduximus indulgendum, dummodò excessus evitetur: Determinatum potûs pondus ob differentiam subjectorum definiri non potest, sed quilibet, quantum perferre valeat, & sanitati conducatur, sedulò secum animo perpendat.

§. XXIII.

Qualitas potulentorum dividitur secundum differentia mixta, ex quibus potus eligitur; primum omnium elementum potûs est *aqua*, quæ primis mundi temporibus absque dubio unica materia potus erat, nostris verò faucibus vilior, & pro reficiendo corpore insufficiens censetur; ideo etiam aquæ quasi compolitæ & frumentaceæ magisque nutritiæ parantur: Quod tamen aquam simplicem concernit, illa à GALENO pueris & adolescentibus unice pro potu præscribitur, ejusdemque bonitatem desumit à loco & sapore: locus ex quo scaturit mundus & purus esse debet, meatus versus orientem situs, vel per terram puram transcolanda est: gustu sit suavis & expers alieni saporis, præcordia uti ille loquitur, celeriter permeet, id est non gravare debet ventriculum, vel secretionem urinae retardare: excluditur itaque actu vel potentiâ frigida, ex petris profiliens, rejicitur pluvialis, nivea, glacialis, paludosa & putrida, fontana econtrâ & pura eligitur. Si aqua ita constituta sit, cholericiis quandoque maxime

exaſtuantibus, & magis adhuc ſanguineis, ne in plethoram incidant, convenit; phlegmaticis nocet, melancholicis ad atram bilem inclinantibus pro diluendis humoribus acribus quoque conducit. Pro quotidiano uſu, exceptis pauciſſimis ob conſuetudinem vel nativam vel acquiſitam, non ſolet ordinari, cum pauca polleat ſubſtantia gelatiſoſa, quæ tamen pro corpore laſſato, viribus exauſto humidoque nutritio privato reſarciendo maximè neceſſaria eſt, ideò uti monitum compoſita & frumentis impleta eligitur, quæ vocatur cereviſia vel hordeacea, triticea, vel avenacea. Triticea præ cæteris ſubſtantioſum præbet ſuccum nutritivum & eſt calidior, hordeacea minùs nutrit, avenacea, cum aliàs ſubſtantia nutritivà multum careat, & ob gravedinem & turbulentiam capitis quam inducit minime in uſum trahitur; igitur hordeacea utpote valdè temperata hiſce in locis pro quotidiano uſu impenditur, triticea verò humidioribus & frigidioribus proſicuum poculentum exhibet. Præparatio jam reſtat materiæ, quæ cum aqua cereviſiam conſtituit, & quæritur: an frumenta germinata toſtione vel exſiccatione aërea ſalubriorem cereviſiæ præbeant materiam? ex toſtis, frumentorum, granis ſubſtantioſior & calidior quoad effectum elaboratur cereviſia, durioribus laboribus deditis hominibus & phlegmaticis conveniens; altera eſt dilutior & in effectu frigidior, hinc ſi ventriculos conſentit cholericis & ſiccioribus ſedentariæ vel otioſæ vitæ deditis competens. Ventriculo debili & conſtitutioni ſicciori proſpicitur, ſi tertia vel media pars granorum toſtione paratorum, exſiccatis aëre commiſceatur. Denique cereviſia ſit benè cocta & lupulata, non nimis tamen, aliàs caput ſomnolentum efficit, non adeò recens & benè deſecata, nec nimis vetuſta, ubique medium tenuère beati. Alterum poculentorum genus conſtituit *muſtum* & *vinum*: illud pro uſu quotidiano ob vim fermentantem & mucoſas ſaculentasque particulas non inſervit. Gula quandoque quid indulgendum eſt; Vinum verò ut plurimum potus materia eſt, & quotidie aſſumitur, raro tamen alio

D 3

aquo.

aquosiori potu totaliter, exceptis ex quâcunque causa assuetis, carere possumus, ideo tertia pars aquæ simplicis vel acidulatæ affunditur, & efficitur temperata mixtura: pituitosis & melancholicis & ventriculo debilibus conducit, vinum enim vires valdopere corroborat, hilaremque reddit animum, moderatus ejus usus semper salubris, excessivus semper nocivus. Electio etiam fit à solo, his in locis Rhenanum & moselanum aliis præfertur, bibantur non nimis recentia & feculenta, nec adeò vetusta & activiora Vina M. S. facile in motum naturæ onerosum commoventia. Si vero ventriculus sit debilior & activius prodest Vinum, & loco medicamenti assumi potest: idem etiam de aliis vinis exoticis hungaricis & calidioribus monemus: nam non assuetis in largiori quantitate hausta morbos inferunt; senibus bonum vitrellum COS: conducit, est enim lac fenum, infantibus lac sugentibus venenum, pueris & adolescentibus intemperiem biliosam inducit, eosdemque exsiccat; juvenes & viros à laboribus corporis, animique delassatos recreat, exhilarat & confortat: foeminis turgescentiam sanguinis facile largior V. potûs inducit, moderatus verò prodest. Ex vino demum alterum resultat utile, spiritus nempe ejusdem, à quotidiano usu plane eliminandus, minor tamen portio phlegmaticis, aut sub climate frigidiore viventibus, aut indigestibilibus cibis assumtis concedenda est. Quod attinet illas artificiales portiones ex herbâ Thee, baccis Coffee & Chocolada paratas, cum absque illis incolumes esse valeamus, si regimen diætæ debite instituat, lubenter illarum fusiori explanationi supersedeo. vid. auth. qui ex professo de illis scripserunt. Potus non sit nimis frigidus.

§. XXIV.

Si ab alimentis potulentisque utilitatem capeffere, chylumque nutritium reportare cupimus, modus utendi attendatur, quò referimus tempus assumendi, ut nempe jentaculum post labores assumatur per unam alteramve horam peractos: exemplo sint nobis operarii, qui non sub diluculo se, sed post præstitos labores atque exhaustas vires

res reficiunt: tempus cœnandi non fit media nox, ne di-
 cam matutinum, perverso naturæ more inductum, inde
 non solum febres resultaſſe notum eſt, ſed etiam Autho-
 res ex potu nocturno aſſueto ortam phthiſin adnotarunt.
 Bruta abſtinent nocturno tempore ab alimentis & quiete
 fruuntur, cur homo quiete nocturnâ à Deo naturæque de-
 ſtinatâ pro reſtaurandis viribus ſui corporis carere cupit?
 Omnia tempus habent, tempus edendi, tempus dormien-
 di. Debitus utendi modus conſiſtit in ſufficienti maſtica-
 tione, ut dictum, hæc enim alimenta præparat & ſolvit pro
 futura chyli elaboratione, non probè maſticata & deglu-
 dita duriora in ventriculo ad multos annos ſapè aſſervan-
 tur & producant morbos chronicos, ideo HORNIVS in ar-
 ca Moſis p. 131. diætam ſeu regimen legitimum alimentorum
 in duobus dicit conſiſtere, *ſobrietate & proba maſticatione*.
 Potulenta non inſtar imbris ventri infundantur, ſed mode-
 ratè aſſumantur & deglutiantur. Tempore reſectionis a-
 nimi pathemata graviora, ira, terror, curæ & ſpeculationes
 vitentur, turbant enim chyliſicationem, ſed fit animus li-
 ber & hilaris, inque gaudio & tranquillitate conſumantur,
 quæ DEUS benedixit & dedit: reſectione obtenta non
 ſtatim ad ſerioſa negotia, majoremque motum properan-
 dum; à vehementiori poſt prandium inſtituto motu or-
 tam fuiſſe ſcabiem teſtantur Authores, quoniam alimenta
 è ventriculo indigeſta propulſa fuère, quæ chyli crudiorẽ
 materiam ſuppeditârunt. Ultimò monendum, ne Medi-
 cus ſit nimis rigorofus & ſtrictus in præſcribendâ diætâ,
 ita ut videatur omnia prohibere, ſed quid conſuetudini &
 gulæ admittendum, uti HIPPOCRATES ſupra allegato apho-
 riſ. monet. ſanis dicit omnia ſunt ſana, ſi parcè ſumantur, ne
 temperatam corporis conſtitutionem in intemperatam
 dejiciant; non tamen omnia ventriculo obtrudenda ſunt,
 acida cum dulcibus, vinum cum lacte, talia contuſa fer-
 mentationem & præcipitationem producant. Non ſit in-
 quam nimis rigorofus & prohibens, maxime ſi vehemen-
 ter quædam alimenta à ſœmellis ad paſſionem hyſtericam
 vel

vel hypochondriacam inclinantibus, aut etiam gravidis avidè appetantur; *TVLPIVS in observat.* adnotat foeminam vehementer haleces appetiſſe & comediſſe tempore graviditatis 1400. absque noxa; dum gravidarum mentionem facimus, notandum, illis succulentos & benè nutritios cibos aſſumendos, & è contrariò illis omnes cibos durioreſ & difficile digestibiles prohibendos eſſe; nimis ſpirituosa & fortiter aromatizata ſunt evitanda, ne orgasmus ſanguinis excitetur, & abortus producatur. Nutrices caveant dyspeptos cibos, qualis enim fuit cibus, tale etiam lac ſcaturit; & maximè à commercio venered & commotionibus animi iracundis & aliis abſtineant. vid. *GALEN. L. I. de tuend. ſanit.*

S. XXV.

Ex diætæ fonte & motus cum quiete eſt: ille vel in exceſſu vel defectu peccat; defectus otium nominatur, quies immodica: exceſſus nocet, & morbos inducit, proportionatum regimen motûs ſanguinis motum progreſſivum & inteſtinum conſervat, undè ſanguis debite ad loca emunctoria deſertur, & ibidem vitioſos deponit humores, motu placido & naturali ad partes nutriendas augendasque advehitur, quas irrorat, nutrit & auget; proportionato motu & ad loca principaliora & ſublimiora cerebrum nempe, vel alia in quibus utiles humores ſecernendi ſunt progreditur: exindè patet commodum motus proportionati. Immoderatus verò & exceſſivus ſanguinis motum celerioreſ reddit, undè calor ſapè præternaturalis & febrilis producitur, ſecretiones non ſolum inutilium, ſed & utilium, lymphaticorum & ſpirituosorum augetur. Humido temperato diſſolato reliqui humores vel acrioreſ & ſaltioreſ vel bilioreſ verbò cacoehymia originem trahunt: Spiritibus animalibus diſſolatis, corpus robore tonico viribusque defraudatur. Nutritio ſucco abſumto corpus tabeſcit & morboſum redditur. A defectu motûs ceſſat motus ſanguinis; & ſupra adducta commoda ab ejuſdem placido motu annihilantur, undè infiniti morbi pro-

pullulant; idèd jam HIPPOCRATES citat: *Secl. Aphoris. dicit: Studium sanitatis non satiari cibis & impigrum esse ad labores. & lib. 1. de dieta Cap. 1. fol. 18. homo edens, seu alias benè habens, non potest esse sanus nisi laboret.* Labor corporis non animi motum promovet, & conservat sanitatem; otia in moralibus pariunt vitia, & morbos in medicina causantur; ratione temporis motus diei: motus equidem omni diei tempore institui potest, dummodo corpus sit vegetum & viribus constet, post pastum tamen non statim, sed quies per unam saltem horam concedenda est, ne spiritus animales in alia organa dispersantur, & ventriculi tonus ob eorundem influxum imminutum debilitetur, & chylicatio turbetur. Contra schol. salernit: *post canam stabis vel passus mille meabis.* Quid agat motus fortior post pastum §. precedente diximus. Salubris est electio certi temporis diei eruditis, quo corpus motu ambulatorio, non laborioso & insueto agitent. Locus sit amœnus sensibus & spatium non nimis longinquum, naturæ onerosum & vires depascens. Consuetudo quoque consideranda est; motui vehementiori laborioso dediti laborent, & sani persistent, & non mutant consuetudinem laboriosam in extremum otium. Cholericis & sanguineis minùs, phlegmaticis & melancholicis fortius sine saltu tamen & extremitate motu ambulatorio & exercitatorio se commoveant. Pueri & adolescentes ad duriores corporis labores non coercendi, multò minùs infantes, sed illis impertiendus est motus ambulatorius & luforius: senes quoque senectus à vehementioribus exercitiis excusat. Nec saltibus gravida abdomen cum utero concutiant, vel aliis laboribus lympham nutritiam absument, ne alimento foetus destituatur, & partum moliatur præmaturum, omne tamen exercitium non abhorreant, alias placenta uteri solidius accrescit.

§. XXVI.

Motui & quieti succedunt somnus & vigilia: quæ res non naturales cum præteritis coincidunt; quies enim sum-

E

ma

ma in omnibus sensuum organis est somnus. Vigiliæ sunt sensuum exercitium, & longior spirituum in partes distributio, & similes fere eventus, uti motus & quies post se trahunt. Quapropter à fusiori explanatione abstinemus, & unice quæstionem, quæ continuò formatur, an somnus meridianus post pastum sit noxius? decimus, & statuimus: cholerici nempe & siccioribus, regionibus calidioribus, delassatis, viribusquæ exhaustis, somni beneficio nocturno tempore non gavisis, gravidis, lactantibus, assueris, curis, studiis, morbisquæ emaciatis, senibus & infantulis moderatum unius præter propter horæ somnum, magnum naturæ adferre solamen; humidum enim deficiens refarcitur & spiritus animales refocillantur. Modus dormiendi sit decubitus in latere dextro nocturno tempore, depositis, & non supra caput erectis manibus, ita enim facile contenta in ventriculo alimenta digesta per pylorum in intestina descendunt, quem descensum decubitus in sinistro latere impedit, cum dictum ventriculi orificium in erectum feratur, & retardet exitum digestorum. Diurno tempore post pastum dormire suadet ETTMÜLLERVS eruditius sedendo. Numerus horarum, somni quantitatem definit: ergo, quot horis dormiendum sit, oritur quæstio? cholerici & melancholici, si possunt, octo, phlegmatici sex horis dormiant, hinc dicitur quibusdam octo horis dormisse fatisse; qui circulum diei in 24. horas sequenti modo determinant, octo horas pro somno, octo pro laboribus, octo pro recreatione tum corporis tum animi destinantes. In hiscè verò, uti cibi & potus certa quantitas assignari non potest, determinatum etiam horarum somni spatium ob varietates subjectorum ponere non possumus. Quilibet sit suus Medicus, & sibi proficua eligat, & noxia fugiat. Quando dormiendum est mos & natura monstrant: nocturnum enim ordinariè tempus quieti destinatum est, & quidem duabus vel tribus horis post cœnam; neque consultum est, ut quasi pro itinere longinquo esca & novo potu dormituri sibi prospiciant. Germani dicunt ich muß noch ein Schlaf.

Schlaff-Truncſt thuen; turbat enim concoctionem in ventriculo, ſomnumque inſomnioſum reddit.

§. XXVII.

Animi pathemata, licet omnium primò animam occupent, & in ſuâ naturâ & eſſentiâ immobilem turbare videantur, tamen & inde plurima mala corpori inferuntur, continuu enim commercium animæ cum corpore, & vice verſâ; à commotionibus animi incongruis, incongruus ſanguini & ſpiritibus animalibus inducitur motus; unde ſe- & excretiones, aliæquæ actiones unâ cum motu partium tonico vitiantur.

XXVIII.

Animi pathemata in duplicia dividuntur, quæ vel ſanguinem, ſpiritusquæ animales in motum præternaturalem & vehementiorem concitant, ut eſt ira, gaudium nimium, amor immodicus: vel ſanguinis motum retardant & opprimunt, ut eſt timor, terror, triſticia, curæ anxix: hæc, ſi graviùs irruant mentem, omni tempore, omni ætati, omniquæ ſexui noxas inferunt moleſtiſſimas, quapropter quovis modo arcenda & fugienda ſunt. vid. ETTMÜLLER. T. I. *Inſt. Med. Pat. de Anim. Patb. C. III. fol. 216.* ubi plura adnotata ex Authoribus mala ab animi commotionibus imo mortem ipſam ex BARTHOL. ortam, reperies: amor & gaudium moderatum vitam prolongant, ſanitatēque conſervant, ſpiritus enim in gaudio & amore temperato per nervos in organa partesque totius corporis placidè distribuuntur, unde tonus partium perdurat in vigore, ſanguis ad partes ſecundùm naturam fertur, & inde actiones dependentes quæcunque naturaliter perficiuntur, excrementitii humores eliminantur, utiles aſſervantur. Exceſſum verò gaudii mortem cauſaſſe adnotant Authores: ab amore immoderato maximè venereo inferuntur deliria furioſa & meticuloſa, Epilepſia, aliæque convulſiones, maximè, ſi effectum, quem intendunt, obtinere non poſſunt. Ad animi actiones ſpectant ſtudia, quæ ſi cum moderamine inſtituuntur, ingenium exacuunt, ſpiritusquæ agiliores reddunt,

si verò intemperatè libris affixi hæreant Studiosi, sanitas periclitatur, non solum ob vitam sedentariam, quam evitare cupiunt, dum stando libros perlustrant, hoc tamen ipso pessimè faciunt, erectio enim corporis, labor ejusdem est occultus; sed quatenus spiritus in continuo motu in cerebri fibrillis persistunt, & ideò non ad reliquas partes corporis in debita quantitate feruntur, exinde tonus omnium organorum debilitatur, eorundemquè functiones quæcunque imminuuntur, hinc quàm maximè secretiones humorum inutilium impediuntur & sanguis conspurcatur, totumque corpus debilitatur; à studiis ideò profundioribus evigilantes in omnibus artibus lassitudinem persentiscunt. Moderata durant: immoderatum studium sanitatem pervertit. Studia requirunt corpus viribus plenum hinc senibus & debilioribus à quâcunque causâ nocent; pueris præmatura studia præmaturè canescentiam procurant, moderatum studium verò puerorum spiritus & sanguinem in agilitate conservat. Dispositio nativa etiam attendi meretur, pueri ad studia inepti & simplices non cogendi, frustra ex pumice elicitur aqua. Idem de sexu notandum. Sexus sequior non studiis, sed vilioribus negotiis, & alendo fœtui destinatus est: hinc per studia puellarum non invertenda est naturæ intentio. Tempus studendi est matutinum & vespertinum: Silentium noctis favet Studiosis, & *Aurora Musis amica* ob amcenitatem diei, & per somnum restauratas vires homo ad exercitia corporis & animi aptus existit: non semper studendum, sed etiam quies animi laboribus interponenda est: nec ultra duas horas in uno continuo studio inharendum est.

§. XXIX.

Progredimur ad excreta & retenta, vel uti aliis placet excernenda & retinenda; scimus in corpore humano reperiri humores laudabiles & excrementitios sive inutiles: hii eliminandi sunt per loca emunctoria, alvum, renes & vesicam, ☐nam, poros cutis, nasum, uterum in fœminis per menstruum, lochia &c. Utiles asservandi sunt, uti est sanguis

guis cum lymphâ nutritiâ, spiritus animales &c. ad utiles spectat lac maternum, semen virile, quæ non sibi, sed aliis certis temporibus prospiciunt.

§. XXX.

In utiles, & qui è corpore proscribendi sunt, si prædictæ quinque res non naturales debite impendantur, raro retinentur, & corpus putrilaginosum efficiunt; ita & utiles servato diætæ regimine decenti facile retinentur & asservantur. Quapropter de hiscè nihil differemus, sed pauca quadam de semine virili & lacte commemorabimus. Lac alimentum tenellorum sufficiens esse debet quoad quantitatem, quæ à nutritilibus alimentis & potulentis in sufficiente quantitate assumtis promanat, idè hæc assumantur in largiori, non tamen excessivâ dosi. Qualitas lactis sit dulcis nutritiâ, & suavis, dependens à qualitate ciborum, animi pathematibus aliisque rebus non naturalibus, idè suprâ monita in memoriam revocanda sunt. Semen pro fecundando ovulo materno requiritur maturum, sufficiens, vitali & balsamico caractere præditum, quæ constitutiones ut plurimum ab alimentis originem sumunt, idè cùm horum jam facta sit mentio, supervacaneum est pluribus hiscè insistere; sed potiori fine excretio sive ejaculatio, in connubio atque coitu licito contingens, perlustranda est. Semen actu venereo excretum, in robustis, viribus instructis, otio deditis, lauta utentibus mensa, sanitatem conservat, uti loquitur CELSVS *Lib. de tuenda sanitate: concubitum, modo non nimis frequens sit, corporis vires excitare.* Frequentior verò seminis excretio morbos parit, nam lymphâ nutritiâ, cujus flos semen est verbis WEDELII absuntur, spiritus animales exhauriuntur, hinc subsequitur tabescentiâ, torpor & lassitudo corporis & ipsa mors; uti scribit Henricus ab HEER *Observat II. p. 103.* & BARTHOLIN. *Cent. 6. Histor. 94. narrat. mercatorem venere nimis exasuatam, in actu venereo exspirasse* & GRUNDELINVS in *M. N. G. D. II. An. 4. Observ. 166. de melancholico simile adfert exemplum.* Non solum excessivâ, & immoderata, sed

& nimis temperata & frigida venus parit morbos, unde in foeminis varii morbi, furor uterinus, passio hysterica, in viris Melancholia & mania unice commercio veneris solvendi, exoriuntur. vid. PAUL. *M.N.C. D.II. An. IX, Obs. 89.* & GALEN. *L. VI. C. 5. Loco affect.* & alii. Tempus coeundi optimum esse plurimi Auctores asserunt diluculum, ubi ventriculus adhuc vacuus, & vires per somnum recuperatae sunt. Absit actus veneris in exhaustis à morbo, curis, studiis, laboribus, ætate urente &c. ætas virilis & juvenilis sive consistens favet veneri: natura enim lympham pro generando semine jam dispensat, quam antecederet pro nutriendo augendoque corpore impendebat. Hæc sunt, quæ de conservanda sanitate absque pharmaco adducere voluimus, & licet credant quidam cum CELS. *I.C. Rom. de re med. L. I. dicente: Sanus homo, qui & bene valet, & simul sua spontis est, nullis se obligare debet legibus &c.* & juxta illud *Medicè vivere, est pessimè vivere*, molestum nempe esse juxta regulas *Dietæ* suam instituere curriculum vitæ, sic tamen nos non nimis stricti fuimus, & quid pro delectanda gulâ palatoque, subsistente tamen sanitate admisimus: hinc inferimus: *Medicè vivere est optimè vivere*, inde enim dependet sanitas & hac nihil est exoptabilius.

SECTIO II.

DE

CONSERVANDA SANITATE CVM PHARMACO.

§. I.

PHarmacum vi vocis consideratum statui praternaturali & morboſo non sano inservit. Sanitas non indiget mutatione contingente per medicamen, exinde enim molestiam recipit uti loquitur HIPPOCRAT. *qui integra corporis sunt valetudine, medicationes agrè molestèque ferunt.* Ad quid ergo medicamen pro conservanda sanitate?

tate? Respondeo: Non curamus vel alteramus sanitatem præsentem medicamine sed imminens periculum futurum avertimus, ne nempe è temperato corpore intemperatum prodeat: intemperies verò præsupponit dispositionem in temperamentis, ætate ut plurimum & aliis, quæ duo igitur, remissis aliis, brevitate, quâ fieri potest, perlostrabimus.

§. II.

Sanguineus faciliè plethoram incidit, si otio vel vitæ sedentariæ sit addictus, & copiosiori alimentorum delectetur acervo, ne illa itaque ingruat, præcavenda est V. S. tempore vernali HIPP. suadente: ad imminuendum humidum conveniunt laxantia blandiora, scarificationes & prosunt ipsæ.

§. III.

Cholericus vicinus est intemperiei biliosæ: hæc avertitur per acida & Osa, absorbentia, & Vsa medicamenta, huic maximè conveniunt hæc & similia. V. g. R. \bigcirc $\frac{1}{2}$ niat. vel depurat. vel tabulat. regener. \mathfrak{z} ij. Lap. \mathfrak{ss} . cit. \mathfrak{z} o. hep. rub. Dresd. \mathfrak{z} j. $\frac{1}{2}$ Diaph. \mathfrak{z} ß. M. f. L. A. pulv. V. D. ad cht. S. Gall benehendes Pulver, Abends und frühe eins zu nehmen in Bier. Vel R. TR. viol. arcan. \mathfrak{z} ana \mathfrak{z} ij. M. D. ad vit. S. Eggs dreymahl 40. biß 50. Tropffen zu nehmen; serum lactis succo citri vel alio $\frac{1}{2}$ do præcipitatum conducit. Prosunt & infusa & decocta ex rad. acetos. cichor. gramin. Hb. lactuc. acetosel. fragar. beecabung. nummular. flor. borag. buglos. violar. sumit. pin. &c. laxationes forma humida bilem imminunt, & biliosam simul cacoehymiam præcavent. V. g. R. rad. rhabarb. Alexand. vel Monach. fol. Senn. ana \mathfrak{z} ij. pulp. tamarind. \mathfrak{z} ij. \bigcirc $\frac{1}{2}$ niat. \mathfrak{z} iß. Cort. \bigcirc rant. \mathfrak{z} j. C. C. M. coq. in sufficiente q. ∇ vel sero lact. bibantur 3. 4. vel 5. vitrella & expectetur laxatio, hac emanente 2. vel 3. subordinentur. Ipsa V. S. prodest: acidulæ debitis haultæ temporibus egregiè conducunt & avertunt sanitatis pericula.

§. IV.

§. IV. Phlegmaticis & melancholicis ordinentur incidentia & resolventia Θ na. \mathcal{R} . rad. ar. Θ . cent. min. \mathcal{G} . nat. pptt. Lap. \mathcal{S} . pptt. ana \mathcal{J} . fl. Θ ★ gr. vj. vel viij. \mathcal{G} . cargoph. gt. ij. M. f. pulv. IV. D. ad. ch. S. pulv. abends 1. zu nehmen in Wein. \mathcal{R} . TR. \mathcal{F} ziiij. Eff. cent. min. vel pimpin. alb. \mathcal{J} . \mathcal{N} Θ ★. vinos. \mathcal{J} . M. D. ad vit. S. früh Nachmittag 3. Uhr 36. Tropffen zu nehmen in Wein. Sin verò Melancholicorum sanguini biliosa qualitas immixta videatur, immisceantur \mathcal{O} sa vel \mathcal{F} dula; profunt purgantia, aliaque diuretica.

§. V.

Ab ætate cautela practica desumenda est: infantes ad epilepsiam proclives sunt, his quandoque porrigatur pulv. anteepilept. March. specif. ceph. Mich. TR. Θ sicca. Eff. succin. &c. Viri febribus ardentibus facile corripuntur, his nominata absorbentia \mathcal{O} sa & \mathcal{F} da conveniunt. Senes apoplexiâ moriuntur, quibus resolventia & confortantia solum vitæ extendunt atque prolongant. V. g. spec. diamarg. frig. dianth. diaxyloal. \mathcal{G} . nat. $\frac{1}{2}$ nii. Lap. \mathcal{S} . pp. &c. Elix. Ceph. variorum Authorum. liq. C. C. succinat. Θ valutate \mathcal{G} olum sylv. \mathcal{N} Θ ★. vinos aromatiz. \mathcal{G} . lavend. cinam. anth. cubeb. &c. possent adhuc plura adduci, cum verò hæc Medicis practicis cognita, & præsens hic dissertationis campus prolixitatem renuat, idèò subsisto & finio in Gloriam DEI T. O. M. apprecando, ut B. L. inde suam, & aliorum margaritam vitæ, sanitatem nempe incolu- mem reportet & conservet.

F I N I S.

